

- Sapient. 1. deprecabitur] ut sibi dimittatur, sciens q. in maleuolam animam non introeat sapientia, cum & Prouer. 8. sapientia summa affrmet: Viam prauam detestor. [Si enī Dñs magnus voluerit, spiritu intelligentiæ replebit illum:] & hoc utiq; Dñs vult, & intelligentiam tribuit sapienti, ipsum seruide inuocanti, augendo in eo illuminationem supernam, iuxta illud Sapient. 7. Inuocaui, & venit in me spiritus sapientiæ. [Et ipse tanquā imbres mittet eloquia sapientiæ suæ:] i. alios copiose erudiet, & riuos sapientiæ influet proximis, gratiam sibi concessam fratribus communicando, iuxta illud Prou. 5. Deriuentur fontes tui forās, & in plateis aquas tuas diuide. [Et in oratione confitebitur Dño] ipsum deum laudando, sicut illud in Psalmo 17. Laudās inuocabo dñm: & seipsum humiliter accusando, iuxta illud sancti Iob: Iob 13. Vias meas in conspectu eius arguam, & ipse erit saluator meus. Atq; in Psalmo 31. Dixi, confitebor aduersum me iniustitiam meā Domino. [Et ipse Dominus] quem inuocat, [diriget consilium eius,] ut sapiens sapienter inquirat, & consulat de agendis, [et disciplinam:] id est, scientiam practicā, ut agat secundum eandem: vel disciplinam qua castigat seipsum, ut sit discreta, iuxta illud Apostoli Rom. 12. Rationabile obsequium vestrum. Hac directione maxime indigemus, quia ut Sapient. 9. legitur: Cogitationes mortalium timidæ, & incertæ prouidentiae nostræ. Hinc Tobie 4. docetur: Omni tempore benedic deo, & pete ab eo ut vias tuas dirigat, & omnia consilia tua in ipso permaneant. [Et in absconditis suis consiliabitur:] id est, neus cōsiliū largitur sapienti in dubijs, & incertis ac arduis, iuxta illud Danielis: Ipse reuelat abscondita & profunda. [Ipse palam faciet disciplinam doctrinæ suæ:] id est, sapiens sic desuper illustratus, alios planē docebit scientiam sibi à deo concessam, prout Prouer. 14. scriptum est: In corde prudentis requiescit sapientia, & in doctis quoq; erudiet. [Et in lege testamenti domini gloriabitur.] id est, in consideratione ac adimplentione legis diuinæ, iuxta quod scriptum est supra cap. 9. In lege domini sit gloriatio tua. Et in Psalmo 1. In lege dñi voluntas eius, & in lege eius meditabitur die ac nocte. [Collaudabunt multi sapientiam eius,] omnes videlicet boni, qui eam perceperint. [Et vñq; in seculum non delebitur:] id est, sapientia eius iugiter permanebit in corde ipsius & in memoria hominum, nec ipse electus sapiens vnquā de libro vitæ delebitur. [non recedet memoria eius:] quia fama eius manet in cordibus hominum, etiam eo defuncto, iuxta illud Prouer. 10. Memoria iusti cum laudibus. Nec à deo obliuioni tradetur, cum scriptum sit: In memoria æterna erit iustus: quod in his qui libros salubres componunt, præcipue adimpletur. Hinc Sapientia 8. ait vir sapiens: Habebo per hanc immortalitatem, & memoriam æternam his, qui post me facturi sunt, relinquam. [Et nomen eius requireretur à generatione in generationem:] id est, futuri post eum per successiones generationum, exquirent adiutorium eius, si fuerit canonizatus, & ipsum ad imitandum requirent, & libros intitulatos ab eo, acquirere conabuntur, sicut vsq; in præsens quæritur Hieronymus super Isaiam cæterosq; prophetas. [Sapientiam eius enarrabunt gentes,] conferendo de ea, & allegando eandem, [et laudem eius enunciat Ecclesia:] sicut videmus iam viros sanctos & sapientes in Ecclesijs prædicari, & à fidelium congregationibus inuocari. [Si permanferit nomē eius,] id est, si ipsemet nomine designatus, diu in vita hac perseuerauerit. [derelinquet plus quā mille:] id est, valde multos imitatores suæ vitæ atq; discipulos suæ doctrinæ. [Et si requieuerit] citius moriendo, [proderit illi:] quia de cætero non peccabit, nec decipietur, & in refrigerio erit, iamq; post Christi passionem citius pertingit ad gloriam. Hinc legitur Sapient. 4. Raptus est, nē malitia mutaret intellectum eius, aut nē fictio deciperet animam illius. Consummatus in breui, expleuit tempora multa. placita enim erat Deo anima illius: propter hoc properauit educere illum de medio iniquitatum. Et rursus: Iustus si morte præoccupatus fuerit, in refrigerio erit. [Adhuc consiliabor,] id est, intra me tractabo, & per modum cōsulentis diffiniam, [ut enarrem] mirabilia Dei & laudem ipsius, & ea quæ audientibus extant salubria. [ut furore enim repletus sum,] id est, seruiore deuotionis & æstu ita loquendi, sic quod insar furentis continere ne queo, prout Iob 32. legitur: Plenus sum sermonibus, & coarctat me spiritus vteri mei: loquar, & respirabo paululum. Et Ieremias ait: Factus sum quasi vir ebrius à facie domini, & à facie verborum sanctorum eius. [Et in voce dicit,] id est, spiritus per os meum effatur & admonet, [obaudite] i. obediendo audite [me diuini fructus,] i. filij ac filij Dei adoptiui, & vos virgines sacræ ac omnes regenerati in spiritu sancto, [et quasi rosæ plantatæ super riuos aquarum fructificate:] i. sicut rosæ iuxta aquas pulchrè erumpunt, & dulciter fragrant, sic per spirituale profectum alijs apparet, suauitatem virtutum diffundite, Christi bonus odor in omni loco estote. Hinc sequitur: Quasi Libanus odorem suauitatis habete:] id est, dulcedinem charitatis internam, refectionem deuoræ orationis, fragrantiam castitatis.

[Flore.]